

44

24. gr.

16. apríl

Til þess að gera breytingar á fundarsköpum þessum þarf umræður á tveim fundum í bæjarstjórn, samþykki meiri hluta atkvæða og staðfestingu stjórnarráðsins.

Fundarsköp þessi sem bæjarstjórn Neskaupstaðar hefir samið og samþykkt staðfestist hérmeð samkvæmt lögum nr. 48, 7. maí 1928, um bæjarstjórn í Neskaupstað í Norðfirði, til þess að öðlast þegar gildi og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 16. apríl 1929.

Tryggvi Þórhallsson.

Páll Pálmason.

45

REGLUGJÖRD

20. apríl

um

viðauka við reglugerð um notkun og meðferð rafmagns á Eskifirði frá 8. apríl 1925.

8. gr. orðist svo:

Rafveitan leggur til öryggi utanhúss án sérstakrar leigu. Einnig leggur hún til straummæla og straumtakmarkara innanhúss gegn 50 aura gjaldi á mánuði fyrir hvort um sig, þann tíma, sem stöðin er starfrækt.

Skylt er hverjum húseiganda, sem notar orku frá rafstöðinni, að leggja til kassa utanum mæla eða takmarkara, sé þess krafizt af rafveitunefnd. Sér stöðvarstjóri um smíði á þeim. Ekki ber rafveitunni skylda til að setja upp mæla í sjóhúsum og útihúsum og ekki fyrir íbúðarhús með minna en 10 watta ljósnotkun. Þar, sem því verður við komið að dómi rafveitunefndar, skal tengja raftaugar útihúsa og sjóhúsa straummælum tilheyrandi íbúðarhúsa.

Skylt er rafveitunni að rannsaka á sinn kostnað, á tveggja ára fresti, hvort ljósmælar eru réttir. Nú krefst ljósnotandi eða húseigandi innan þess tíma, að ljósmælir hans sé prófaður, án þess þó að rafveitustjóri eða löggiltur rafvirki telji þess þörf, skal mælirinn þá að vísu reyndur, en á kostnað þess, er beiðst hefir, nema beiðni hans reynist á rökum byggð við rannsókn mælisins.

Reglugerð þessi um viðauka við reglugerð um notkun og með- 45
ferð rafmagns á Eskifirði frá 8. apríl 1925, sem hreppsnefnd Eski-20. apríl
fjarðarhrepps hefir samið og samþykkt staðfestist hérmeð, samkvæmt
lögum nr. 15, 20. júní 1923, til að öðlast gildi 1. maí þ. á. og birtist
til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 20. apríl 1929.

Tryggvi Þórhallsson.

Páll Pálmason.

STAÐFESTING KONUNGS á skipulagsskrá fyrir Elliheimilið 46
„Höfn“ á Seyðisfirði, útgefin á venjulegan hátt ad mandatum af dóms-27. apríl
og kirkjumálaráðherra 27. apríl 1929. Skipulagsskráin er þannig:

SKIPULAGSSKRÁ

fyrir

Elliheimilið „Höfn“ á Seyðisfirði.

1. gr.

Elliheimilið skal heita „Höfn“. Það er stofnað af kvennfjelaginu
„Kvik“ á Seyðisfirði.

2. gr.

Tilgangur stofnunarinnar er sá, að veita gamalmennum vist og
góða umönnun á Elliheimilinu, með svo vægum kjörum, sem unnt er,
eða ókeypis, þegar þess er kostur. Í þessu skyni veitir stofnunin við-
töku gjöfum og styrktarfé.

3. gr.

Eignir stofnunarinnar eru húseign í Seyðisfjarðarkaupstað ásamt
erfðafestulandi og útihúsum, en á þeim hvílir kr. 6500.00 lán, sem fé-
lagið tók til þess að kaupa eignina.

4. gr.

Eigi má selja eða láta af hendi eignir stofnunarinnar, fastar
eða lausar, nema andvirðinu sé varið til að halda elliheimili áfram hér í